

續
文
獻
通
考

欽定四庫全書 通考卷之一百九十

皇明進士雲間王圻纂輯

帝系考 元下 皇明

元后妃太子及後宮

太祖光獻翼聖后名旭真弘吉刺氏特薛禪之女世祖至元二年十二月追謚光獻翼聖皇后

太宗昭慈皇后脫烈哥那乃馬真氏生定宗至元二年崩追謚昭慈皇后升祔太宗廟

定宗皇后名幹兀立海迷失定宗崩抱子失烈門垂簾聽政六月至元二年追謚叙淑皇后

憲宗皇后名忽都台弘吉刺氏特薛禪孫忙哥陳之女早

崩后妹也速兒繼爲妃至元二年追諡貞節皇后

世祖皇后名察必弘吉刺氏濟寧忠武王按陳女生裕宗中統初立爲后至元十年三月授冊寶上尊號貞懿昭聖順天睿文光應皇后十四年二月崩三十二年成宗即位五月追諡昭睿順聖皇后

成宗皇后名失憐答里弘吉刺氏幹羅陳之女大德三年十月立爲后生皇子德壽早薨武宗至大三年十月追尊諡貞慈靜懿皇后

武宗皇后名真哥弘吉刺氏脫憐子迸不刺之女至大三年四月冊立爲后泰定四年二月崩上尊諡曰宣慈惠聖皇后附武宗廟

仁宗皇后名阿納失失里弘吉刺氏生英宗皇慶三年三月冊爲皇后英宗即位上尊號皇太后至治二年崩上諡莊懿慈聖皇后

英宗皇后名速哥八刺亦佑烈氏昌國公主益里海涯女至治元年冊立爲后泰定四年六月崩諡曰莊靜懿聖皇后

泰定皇后名八不罕弘吉刺氏按陳之孫幹留察兒之女泰定元年冊爲后

明宗皇后名邁來迪生順帝而崩文宗立諡貞懿徽聖皇后

文宗皇后名不答失里弘吉刺氏天曆元年文宗即位立

爲后寧宗卽位奉玉冊玉寶尊爲皇太后順帝元統元年尊爲太皇太后稱制臨朝至元六年詔去尊號安置東安州尋崩

寧宗皇后名答里也忒迷失弘吉剌氏至順三年十月立爲后至正二十八年崩升祔寧宗廟

順帝答納失里皇后欽察氏弟謀逆事發走匿后宫后以衣蔽之因遷后出宮丞相伯顏鵠后於開平民倉

伯顏忽都皇后弘吉剌氏宣慈惠聖皇后真哥姪毓德王孛羅帖木兒之女至元三年三月立爲后生皇子真金二歲而天后性節儉不茹忌動以禮法自持第三皇后奇氏素有寵居興聖西宮帝希幸東內后左右以爲言

后無幾微怨望意居坤德殿終日端坐未嘗妄踰戶閤
至正二十五年八月崩年四十二

完者忽都皇后奇氏高麗人生皇太子愛猷識理達臘會
伯顏忽都皇后崩中書省臣奏言后宜正位中官帝乃
授之冊寶二十八年從帝北奔

按后妃之制厥有等威其來尚矣元初因其國俗不娶
庶姓非此族也不居嫡選當時史臣以爲甥舅之貴蓋
有周姬齊姜之遺意歷世守之固可嘉也然其居則有
曰幹耳朶之分沒復有繼承守官之法位號之淆名分
之瀆則亦甚矣

睿宗顯懿莊聖皇后名唆魯和帖尼怯烈氏生子憲宗世

祖相繼爲帝至元二年追上尊諡莊聖后升祠睿宗廟
至大二年十二月加諡顯懿莊聖皇后

裕宗徽仁裕聖皇后伯藍也怯赤一名闊闊真弘吉剌氏
生順宗成宗先是世祖出獵道渴至一帳房見女子緝
駝茸世祖從覓馬湏女子曰父母諸兄不在難以與汝
父母歸出馬湏飲世祖世祖旣去嘆曰得此等女子爲
人家婦豈不美耶後遂納爲太子妃成宗即位尊爲皇
太后大德四年二月崩祔葬先陵諡曰裕聖皇后升祔
裕宗廟至大三年十月又追尊諡曰徽仁裕聖皇后

顯宗宣懿淑聖皇后名普顏怯里迷失弘吉剌氏顯宗居
晉邸納爲元妃生泰定帝泰定元年追尊宣懿淑聖皇

后

順宗昭獻元聖皇后答已弘吉刺氏按陳孫渾都帖木兒
之女生武宗及仁宗武宗旣立尊后爲皇太后建興聖
宮上尊號冊寶曰儀天興聖慈仁昭懿壽元皇太后仁
宗即位率諸王百官奉玉冊玉寶加上尊號曰儀天興
聖慈仁昭懿壽元全德泰寧福慶皇太后英宗即位上
尊號儀天興聖慈仁昭懿壽元全德泰寧福慶徽文崇
祐太皇太后

元朝正后皆用弘吉刺氏自太祖與族帳設誓同取天
下世用其女爲后猶契丹有國世用蕭氏爲后也自正
宮之下復立兩宮其稱亦曰二宮皇后三宮皇后三自

一輪幸即書宣以召之苟有子則爲驗遵金之遺制也
皇太子太子

烈祖神元皇帝五子長太祖皇帝次二棚只合兒王次三
哈赤溫大王次四鐵木哥幹赤斤皇太弟國王幹噴那
顏也次五別里古台王

太祖皇帝六子長兀赤太子次二察合台太子次三太宗
皇帝次四拖雷即睿宗次五元魯赤無嗣次六闊列堅
太子

太宗皇帝七子長定宗皇帝次二闊端太子次三闊出太
子次四哈剌察兒王次五合失大王次六合丹太王次
七滅里大王

睿宗皇帝十二子長憲宗皇帝次二忽覲都次三失其

次四世祖皇帝次五失其名次六旭烈兀大王次七阿
里不哥大王次八撥綽大王次九赤哥大王次十歲都
哥大王次十一雪別台大王次十二河間王忽察

憲宗皇帝五子長班禿大王次二阿速歹大王次三王龍
答失大王次四阿平王昔里吉次五辨都早卒無嗣

裕宗皇帝三子長晉王甘麻剌即顯宗次二答剌麻八剌
太子即順宗次三成宗皇帝

顯宗皇帝三子長梁王松山次二泰定皇帝次三湘寧王
迭里哥兒不花

世祖皇帝十子長朶兒只玉次二皇太子真金即裕宗

三安西王忙哥剌次四北安王那木罕無後次五雲南
王忽赤哥次六愛牙赤次七西平王奧魯赤次八
寧王闊闊出次九鎮南王脫懽次十忽都魯帖木兒王
順宗皇帝三子長魏王阿不哥次二武宗次三仁宗

成宗皇帝一子皇太子德壽早薨無嗣

武宗皇帝二子長明宗次文宗

仁宗皇帝二子長英宗次安王兀都思不花早殞無後

英宗無子

泰定皇帝四子長皇太子阿里吉八次二晉王八的麻亦
兒間卜次三小薛太子次四允丹藏卜太子俱早殞無
後

二十卷顯性錄四卷樵華抄二卷西資抄一卷詒謀抄
一卷谷響抄五卷折重抄一卷正義一卷閒居編五十
一卷皆假道適情爲法行化之傍贊云

洪蘊長沙人本姓藍母翁初以無子專誦佛經生洪蘊年
十三出家于郡之開福寺後遊汴梁以醫術知名太祖
召見賜紫方袍號廣利大師咸平初補右街首座累封
僧錄洪蘊尤工于診切先時言人生死無不應湯劑精
至貴戚大臣有疾者多爲診療

婁道者漣水軍人生有異相掌中一目中指七節長爲承
天寺僧有大智慧能逆知吉凶真宗嘗召問禁中事仁
宗初生晝夜啼不止道者摩其頂曰莫叫莫叫何似當

繼室以太祖女昌國大長公主火臣別吉 昌國大長

公主亦乞烈思適李禿于帖堅子王亮繼室以昌國大

長公主茶倫 昌國大長公主安禿太宗子闊出女適

李禿子昌武定王瑣兒哈 吾魯真公主世祖女適帖

木干子孛花 昌國大長公主也孫真適瑣兒哈子昌

武靖王札忽爾陳 魯魯罕公主適孛花弟寧昌郡王

唆都哥繼室以魯倫公主 昌國大長公主伯雅倫憲

宗女適札忽爾陳子昌忠宣王忽隣繼室以昌國大長

公主卜蘭奚 普賢可里美思公主適唆都哥子寧昌

郡王不隣吉及昌國大長公主益里海涯成宗女適忽

隣子昌王阿失繼室以昌國大長公主買的憲宗孫女

昌國大長公主烟合牙適昌王八刺失里子昌王
昌國大長公主月魯適八刺失里子昌王沙監朶兒
奴九倫公主安西王女適忽隣弟瑣郎哈

趙國公主位

趙國大長公主阿刺海別吉太祖女適趙武毅王孛要
合 獨木干公主睿宗女適拜哈弟郈王聶古解 趙
國大長公主月烈世祖女適拜哈子趙武襄王愛不花
趙國大長公主葉里迷失定宗女適孛答子趙忠襄
王君不花 趙國大長公主忽答迭迷失裕宗女適君
不花子趙忠獻王闊里吉思繼室以趙國大長公主愛
牙迭失成宗女也 趙國大長公主亦怜真適君不花

于趙忠烈王襄家台 趙國大長公主回紇適君不花
弟趙康信王喬隣察 趙國大長公主阿失秃魯適愛
不花子郇忠襄王木忽難 趙國大長公主桑哥八刺
適襄家台子趙王馬罕札

魯國公主位

魯國大長公主也速不花魯宗女適皇國舅魯忠武王
按噴那顏子幹陳駙馬 魯國公主薛只子太祖孫女
適幹陳弟納陳駙馬 魯國長公主完澤適幹陳男幹
羅真駙馬 魯國大長公主襄家真世祖女適納陳子
帖木兒再適帖木兒弟子台 魯國長公主南阿不刺
裕宗女適蠻子台 魯國徽文懿福真壽大長公主祥

哥刺吉順宗女適帖木兒子綢阿不刺 魯國大長公
主普納適帖木兒子魯王桑哥不刺 肅雍賢寧公主
朶兒只班適綢阿不刺子阿里嘉實利 大長公主拜
塔沙適按陳裔孫買住罕 台忽普都公主適按陳裔
孫安遠王丑漢 唆兒哈罕公主太宗女適按陳納合
幹句真公主適火忽孫不只兒 不魯罕公主適特
薛禪孫脫羅禾繼室以仁宗女闊闊倫公主

鄆國公主位

禿滿倫公主適赤窟駙馬 覓吉八忽公主適赤窟孫
懷都駙馬 米真公主適懷都弟愛不哥駙馬 鄆國
大長公主忙哥吉適愛不哥子寧濮郡王昌吉 大長

公主桑哥不剌適愛不哥子岐王脫脫木兒

高昌公主位

也立可敦公主太祖女適亦祈護巴而述阿兒忒的斤
巴巴哈兒公主定宗女適巴而述阿兒忒的斤曾孫
亦都護火赤哈兒的斤 不魯罕公主太宗孫女適火
赤哈兒子高昌王紐林的斤主薨繼室以其妹八支公
主又薨繼以兀刺真公主安西王阿難答女也 朶兒
只思蠻公主闊端女適高昌王帖睦兒補化

延安公主位

火魯公主適哈答駙馬 闊闊于公主適脫亦未赤駙
馬 脫脫灰公主世祖孫女適禿滿答兒駙馬 延安

公主適延安也不干

高麗公主位

齊國大長公主忽都魯堅迷失世祖之女適高麗王悋
即王珣也 薊國大長公主高麗王妃卜答失利顯宗
女適潘王王諤即王璋也 濮國長公主高麗王妃亦
伶只班世祖之孫營王也先帖木兒女適潘王王燾王
薨繼室以曹國長公主 高麗王妃金童順宗子魏王
之女也 某國公主顯宗子梁王松山之女適潘王王
哥

阿昔倫公主位

阿昔倫公主適阿脫駙馬

捌只蠻公主適阿脫子忽

都虎駙馬

獨木罕公主位

獨木罕公主適察忽駙馬

伯要真公主適察忽子也

先駙馬

帶魯罕公主位

帶魯罕公主適拔都駙馬

捌思蠻公主適拔都子阿

木魯駙馬

脫烈公主位

脫烈公主適阿爾思蘭子也先不花駙馬

八八公主

適也先不花子忽納答兒駙馬

公主適忽納答兒子

刺海涯里那駙馬

烈祖系

一世

淄王捌只哈兒

濟王哈赤溫

鐵木哥幹赤斤國

廣寧王別里古台

二世

淄川王也苦

穆相哥王

脫忽大王

愛哥阿不干王

以上俱淄王子

濟南王按只吉友

濟王子

幹端大王

只不干王

以上俱鐵木哥幹赤斤子

也速不花王

口溫不花王

罕秃忽王

以上俱別里古子

三世

勢都兒主

移補哥子

哈丹大王

察忽罕大王

忽烈虎兒主

吳王系刺紐

以上俱濟南王子

阿木魯大王

愛牙哈赤王

捌魯蠻大王

以上俱幹端王子

廣陵王瓜都

也速不花子

答察兒國王

壽王乃蠻台

也不干王

兀刺兒吉牙王

奧速海王

察刺海王

孛羅歹王

以上俱只不干子

霍力大王

罕禿忽子

四世

齊王八不沙

必烈大大王

黃元兒王

以上俱勢都王子

隴王忽刺出

哈丹子

濟南王也里只

察忽罕子

吳王木喃子

忽烈虎兒子

濟陽王潑皮

系烈細子

遼王脫脫

卯罕王

本伯王

也只王

不兄兒王

以上俱撈魯蠻子

西寧王撒魯蠻

李羅反子

帖木兒王

乃顏王

以上俱瓜都子

塔出王

霍力極王子

五世

伯木兒王

齊王王龍帖木兒

別兒帖木兒王

以上俱黃兀兒子

脫鉄木兒王

乃錄王子

賊里吉反王

瓮吉刺反王

俱口溫不花子

六世

潢察王

抹扎兒王

撒里蠻王

開闊出王

以上俱威里吉友子

七世

定王薛徹千

闊闊七王子

八世

定王察兒台

薛徹千子

太祖系

一世

朮赤太子

察合台太子

闊烈堅太子

二世

拔都王

撒里答王

止哥帖木兒王

脫脫蒙哥王

寧速王脫脫

伯忽王

月即列王

以上俱
合太子

也速蒙哥王

合剌旭烈王

以上俱察
合太子

河間王忽察

闊烈
堅子

三世

肅王寬徹

寧速王
脫脫子

扎尼列王

月即列
王子

阿魯忽王

八剌王

威遠王阿只吉

帖木兒不花王

以上俱合
剌旭王子

忽魯歹王

忽察
子

四世

魯王買住韓八刺王子

威遠王忽都帖木兒阿只吉子

也不干王

八八刺王

也忒干王以上俱忽魯友王

南答失里王帖木兒不花子

五世

赤因帖木兒阿只吉子

八八大王也不子

安定王脫歡八八刺王子

伯答罕王也忒子

六世

越王秃刺赤因帖木兒子

允秃思帖木兒王八八大王子

合賓帖木兒王八八人王子

安定王張兒只班脫歡子

太宗系

一世

闊端太子

闊出太子

哈刺察兒王

合失大王

合丹大王

臧里大王

二世

蒙哥都王

只必帖木兒王

臧里吉友王

帖必烈王

曲烈魯王

以上俱闊端子

昔烈門太子

闊出子

脫脫王

哈刺察兒子

海都王

合失子

覲爾赤王

也不干王

也迭兒王

也孫脫王

火備王

以上俱合丹子

脫忽王

威里子

三世

也速不花王

威里吉父子

亦隣真王

棠哥子

汾陽王別帖木兒

曲列魯王子

孛羅赤王

昔列門太子子

月別台

脫脫子

沙藍朶兒只

脫脫子

汝寧王察八兒

海都王子

小薛王

觀爾赤王子

俺都刺王

脫忽子

隴王火郎撒

也迭兒子

咬住王

火備王子

那海王

火備王子

四世

荆王也速不干

汾陽王別帖木兒子

靖遠王哈反

孛羅赤子

襄寧王阿魯灰

孛羅赤子

汝寧王完者帖木兒

察八兒子

星吉班王子小薛子

愛牙赤王俺都刺子

陽翟王禿滿俺都刺子

五世

陽翟王曲春禿滿子

汝寧王忽刺台完者帖木兒子

六世

陽翟王帖木兒赤曲春子

定宗系

一世

忽察大王

赤忽大王

二世

赤兒監藏王忽察子

完者也不干王忽察子

南平王禿魯禾忽子

睿宗系

一世

忽覲都大王

旭烈兀大王

阿里不哥大王

撥綽大王

末哥大王

歲都哥大王

雪別台大王

二世

阿八哈王

旭烈兀子

亦憐真朶兒只王

旭烈兀子

威定王王木忽爾

阿里不哥子

乃剌忽不花大王

阿里不哥子

刺甘失甘大王

阿里不哥子

薛必烈傑兒王

撥綽子

昌童王末哥王子

速不歹王戴都哥子

三世

阿魯大王阿八喀王子

脫脫木兒王亦憐真子

魏王孛顏帖木兒

完者帖木兒王

冀王孛羅

定王藥木忽兒以上乃刺忽不花子

鎮寧王那海刺甘失子

楚王牙忽都薛兒列

伯帖木兒大王昌童子

荆王脫脫木兒速不子

哈魯孫大王速不子

月魯帖木兒雪別台孫

買闊也先雪別台孫

四世

靖遠王合贊

廣平王哈兒班俱阿魯大王子

鐵木兒脫

子李羅

楚王脫烈鐵木兒

牙忽都子

末寧王伯顏木兒

伯帖木兒子

荆王也速不堅

脫脫兒子

五世

幽王出伯

哈兒班答子

亦憐真八的王

脫脫木兒子

燕大王藥木忽兒孫

楚王八都兒

脫烈鐵木兒子

六世

幽王喃忽里

出伯子

燕帖木兒王

速哥帖木兒王

朶羅不花王

以上俱楚王八都兒子

憲宗系

一世

班禿大王

無嗣

阿速友大王

無嗣

王龍答失大王

河平王昔里吉

二世

撒里蠻王

衛王光澤

兀魯思不花王

井王晃火帖木兒

俱昔里吉子

三世

郟王徹徹禿

光澤子

嘉王火兒忽

答沙亦思的王

完者帖木兒王

俱晃火帖木兒子

世祖系

一世

乃兒只主

無嗣

安西王忙哥剌

雲南王忽哥赤

愛牙赤大王

西平王與魯赤

寧王闊闊出

鎮南王脫懽

忽都魯帖木兒王

二世

安西阿難答

按檀不花俱忙哥刺子

榮王也先帖木兒忽哥赤子

阿木千大王

孛顏帖木兒王俱愛牙赤子

鎮西武靖王鐵木兒不花

西平王八的麻的加俱奧魯赤子

寧王薛徹禿

寧王阿魯出俱闊闊出子

鎮南王老章

文濟王蠻子

宣德王不答失里俱脫懽子

阿八也不干王忽都魯帖木兒子

三世

月魯帖木兒王安西阿難答子

也的古不花王阿木子

雲南王老的罕

武靖王撈思班鐵木兒不花子

貢哥班大王八的麻的加子

鎮南王帖木不花

威順平王寬徹普化

宣讓王帖木兒不花俱老章子

魯朵兒只王阿八也不干王子

四世

豫王阿忒納納失里

乞八大王

亦只班大王俱撈思班子

鎮南王孛羅不花帖木不花子

顯宗系

一世

梁王松山

湘寧王迭里哥兒不花

二世

梁王王禪

松山子

湘寧王八剌失里

迭里哥不花子

三世

雲南王帖木兒不花

王禪子

順宗系

一世

魏王阿不哥

二世

脫不花大王

蠻子大王

兩靖王阿魯

魏王孛羅帖木兒

唐兀台王

答兒蠻失里王

李羅大王

以上俱
阿哥子

皇明帝系

太祖高皇帝濠之泗州人姓朱氏字國瑞 仁祖第四子

初潛龍皇覺寺至正十五年起義兵丁酉下金陵置江

南行中書省爲右丞相封吳國公丁未即吳王位 洪

武元年正月初四日即 皇帝位國號 大明在位三

十一年崩壽七十一葬南京 孝陵神烈山立 后馬

氏徐王馬公女十五年八月初十日崩壽五十四合葬

孝陵 太祖二十五子長 懿文太子早薨 泰愍

王與第二 存 晉恭王罔第三 存 燕王第四 今入帝

系 周定王肅第五 存 楚昭王貞第六 存 齊庶人

專第七華存系 潭王辛第八絕 趙王巳第九絕

魯荒王亶第十存 蜀獻王春第十一存 湘獻王百

第十二絕 代簡王圭第十三存 肅莊王英第十四

存 遼簡王直第十五以下存 慶靖王舟第十六

存 寧獻王萑第十七以下存 岷莊王更第十八

存 谷庶人惠第十九華絕 韓憲王公第二十有

潘簡王莫第二十一存 安撫王盈第二十二絕 唐

定王亶第二十三存 郢靖王東第二十四絕 伊厲

王彞第二十五以下存 太祖有四盛開乾轉坤取

天下於胡元之手自漢以來惟我 朝得天下為正而

功成之後享國三十一盛也聖壽七十有一二盛也自

江左併中原三盛也 太子諸王二十五人公主一十六人皆受冊封四盛也

建文帝諱允文 太祖孫 懿文皇太子次子也 洪武

二十五年冊爲皇太孫 高皇崩卽 皇帝位改元建

文在位四年及靖難兵入金川門宮中火起或言帝殂或言其變姓名有一大臣隨之出走及老歸京師始知其爲建文君後育于西內不知所終或曰葬西山

成祖文皇帝 太祖第四子元至正二十年四月七日生

高皇后馬氏出也初封 燕王建文二年起靖難兵

四年六月十七日卽 皇帝位改元永樂在位二十二

年崩於榆木川壽六十五葬 長陵廟號 太宗 皇

后徐氏中山武寧主徐達女永樂五年崩壽四十六合葬長陵成祖之子四仁宗皇帝其長也第二漢庶人高煦絕第三趙簡王高遂存皇少子高義天未受封

仁宗昭皇帝成祖第一子初封爲燕世子永樂三年立爲皇太子成祖崩隨登大寶改元洪熙在位一年崩於欽安殿壽四十八葬獻陵后張氏彭城伯麟之女正統七年崩合葬獻陵仁宗之子十長即宣宗第二子郕靖王瞻爰存第三子越靖王瞻庸絕第四子蘄獻王瞻艮絕第五子襄憲王瞻善存第六子荆憲王瞻岡存第七子淮靖王瞻奧

第八子 滕懷王瞻 豈絕 第九子 梁莊王瞻 自絕

第十子 衛恭王瞻 延絕

宣宗章皇帝 仁宗第一子永樂九年立為 皇太孫

仁宗即位立為 皇太子 仁宗崩即 皇帝位改元

宣德在位十年崩於 乾清宮壽三十八葬 景陵廟

號 宣宗初 后胡氏都督榮之女及宣德三年二月

以多疾無子上表請閒居別宮正統八年十一月初五

日薨謚靜仙師葬金山原不祔廟 繼后孫氏太保安

國公忠之女初冊封為貴妃及 胡后就閒冊孫氏為

皇后天順二年崩合葬 景陵生 英宗皇帝祔于

廟 宣宗生二子皆為帝長 英宗也係 后孫氏出

次即 景皇帝係 賢妃吳氏出

英宗睿皇帝 宣宗第一子 宣宗即位立爲 皇太子

宣宗崩即 皇帝位改元正統十四年八月北狩九

月初六日尊爲 太上皇帝景泰元年八月還居 南

宮凡七年天順元年正月十七日復登 帝位八年正

月十七日崩於 乾清宮壽三十葬 裕陵廟號 英

宗 后錢氏中軍都督追贈安昌伯貴之女至 成化

四年崩合葬 裕陵又 皇后周氏 憲宗生母也慶

雲伯追贈寧國公能之女至弘治十七年崩合葬 裕

陵 英宗之子九長即 憲宗第二子 德莊王見 葬

存第三子見 是未受封薨第四子 許悼王見 享 絕第

五子 秀懷王見厨絕第六子崇簡王見畢存第七子

吉簡王見爰存第八子 忻穆王見台絕第九子

徵莊王見市今華郡王以下存改元二先正統十四年後天

順八年

景皇帝 宣宗第二子賢妃吳氏所生初封 郕國王正

統十四年 英宗北轅乃即 皇帝位改元景泰尊母

吳妃爲 皇太后景泰八年 英宗復辟仍爲 郕王

是月薨壽三十謚曰戾葬金山成化十一年復 皇帝

號 后汪氏中兵馬指揮英之女初爲 郕王妃正德

元年薨合葬金山再立 后杭氏以天順元年廢而死

憲宗純皇帝 英宗第一子 太后周氏所生 郕王攝

政冊爲皇太子 景泰三年降封 沂王天順元年復

立爲 皇太子 英宗崩即 皇帝位改元成化在位

二十三年崩於 乾清宮壽四十一葬 茂陵廟號

憲宗 后王氏中軍都督追贈阜國公鎮之女至正德

十三年崩合葬 茂陵 憲宗之子十有四第三子即

孝宗也第四子 興獻王祐九嘉靖初追封 獻皇

帝第五子 岐惠王祐俞絕第六子 益端王祐實絕

第七子 衡恭王祐軍存第八子 雍靖王祐雲絕第

九子 壽定王祐耆絕第十子十九年生昇以本年

第十一子 汝安王祐享絕第十二子 涇簡王祐舜

絕第十三子 榮莊王祐區存第十四子 申懿王祐

皆絕

孝宗敬皇帝 憲宗第三子 太后紀氏所生 憲宗即位立爲 皇太子 憲宗崩尋登大寶改元弘治在位十八年崩於 乾清宮壽三十六廟號 孝宗葬 泰陵 后張氏壽寧侯追封太保昌國公巒之女至嘉靖二十年崩合葬 泰陵 孝宗有二子長即 武宗次子 蔚悼王厚韋絕

睿宗獻皇帝 憲宗第四子 孝惠太后邵氏生十三年冊封爲 興王正德十四年薨諡曰獻葬純德山 世宗即位上尊諡曰 興獻帝陵號 顯陵廟號 睿宗 獻皇后初冊爲 興王妃 世宗即位上尊號曰

獻皇后合葬 顯陵祔 太廟

武宗毅皇帝 孝宗第一子 太后張氏所生立爲 皇

太子 孝宗崩即 皇帝位改元正德在位十六年崩

壽三十一廟號 武宗葬 康陵 皇后夏氏慶陽伯

儒之女嘉靖十四年崩合葬 康陵祔於廟 武宗無

嗣群臣奉 太后命迎 興世子入繼大統

世宗肅皇帝 睿宗第二子 獻皇后蔣氏所生 武宗

無嗣 帝以 世子奉迎入繼大統四月二十二日即

皇帝位改元嘉靖在位四十五年崩於 乾清宮壽

六十廟號 世宗葬 永陵 皇后陳氏泰和伯萬言

之女嘉靖元年冊立爲 皇后七年十月初二日崩諡

曰悼靈葬 天壽山改謚孝潔 穆宗即位遷葬 永

陵祔於廟 廢后張氏錦衣衛指揮僉事楫之女初封

順妃七年繼立爲 后十二年春廢又四年而薨改

曰 繼后葬金山 孝烈皇后方氏平安侯銳之女初

封爲 德妃十三年冊爲 皇后又十三年而崩謚孝

烈先入 永陵玄宮祔 太廟及 穆宗即位加上尊

謚遷主祀別殿 世宗之子八長次俱早夭第三子即

穆宗皇帝第四子 景恭王載川絕第五子 穎殤

王載自絕第六子 戚懷王載自絕第七子 薊哀王

載自絕第八子 均思王載風絕

穆宗莊皇帝 世宗第三子康妃杜比生嘉靖十六年冊

封爲 裕王 世宗崩即 皇帝位改元隆慶在位六年五月二十五崩於 乾清宮壽三十六廟號 穆宗葬 昭陵 皇后李氏德平伯銘之女嘉靖三十二年封爲 裕王妃三十七年薨葬金山隆慶元年諡曰孝懿皇后六年又加上尊諡合葬 昭陵祔廟 皇后陳氏通州人固安伯景行女嘉靖三十八年封爲 裕王繼妃隆慶元年冊立爲 皇后六年今 上即位尊號曰 仁聖皇太后萬曆六年三月加號懿安十年加號康靖 皇太后李氏宛平人武清伯偉之女隆慶元年冊立爲 皇貴妃今 上即位上尊號曰 慈聖皇太后萬曆六年加號昭文十年加號明肅 穆宗之子

四憲懷太子早夭今 上其次也第三子 靖悼王初
封藍田而薨隆慶元年追今封賜謚葬金山 絕第四子

潞王 存

今皇上 穆宗第二子嘉靖四十二年癸亥八月十七
慈聖皇太后李氏生隆慶二年立爲 皇太子六年
穆宗崩六月十日即 皇帝位改元 萬曆

公主駙馬附

曹國長公主 高皇帝姊即孝親公主下嫁李貞洪武元
年冊爲隴西公主貞拜駙馬都尉封恩親侯三年貞進
封曹國公公主加國號十一年貞薨追封隴西王又姊
下嫁王七一洪武元年追封太原長公主七一贈駙馬

都尉

慶陽公主 皇兄蒙城王女洪武元年封爲慶陽公主女
夫黃琛爲駙馬都尉累官中都留守食留守俸公主祿
五百石四年爲慶陽郡主永樂二年卒

高皇帝十六女

臨安公主 高皇帝長女洪武九年下嫁駙馬都尉李祺
太師韓國公善長子是年始定尚公主禮二十四年太
師賜死公主尋薨棋以憂卒

寧國公主 高皇帝第二女十一年下嫁駙馬梅殷殷汝
南侯思祖子用事 建文時至永樂二年以嫌中讐死
謚榮定官一子都督同知二子指揮使主後稱大長公

主以二十三年薨

第三女未詳

安慶公主 高皇帝第四女十四年下嫁駙馬歐陽倫二十八年倫以私販茶樸殺

汝寧公主 高皇帝第五女十五年下嫁駙馬陸賢吉安侯仲亨子

懷慶公主 高皇帝第六女下嫁駙馬王寧三十五年封永春侯昇削爵

大名公主 高皇帝第七女十六年下嫁駙馬李堅指揮僉事贈都指揮使英子也堅以建文初封灤城侯北征陣亡主後稱大長公主宣德元年薨

福清公主 高皇帝第八女十八年下嫁駙馬張麟鳳翔

侯龍子永樂十二年薨卒

壽春公主 高皇帝第九女下嫁駙馬傅忠親國公友德
子也主以二十一年薨忠亦不食而死

第十女未詳

南康公主 高皇帝第十一女二十一年下嫁駙馬胡觀

東川侯海子觀坐事奪祿主以正統十一年薨

永嘉公主 高皇帝第十二女二十二年下嫁駙馬郭鎮

武定侯英子建文元年鎮卒後稱大長公主

第十三女 第十四女俱未詳

汝陽公主 高皇帝第十五女二十六年下嫁駙馬謝達

都督僉事彥子

寶慶公主 高皇帝第十六女永樂十一年下嫁駙馬趙輝府軍前衛千戶也主以正統中薨輝至成化十二年始卒

懿文太子二女

江都郡主 懿文太子長女洪武二十三年下嫁儀賓耿璿長興侯炳文子也建文初進郡主爲公主儀賓爲駙馬後璿奪職至亦降郡主

第二女未詳

成祖文皇帝七女

永安郡主 成祖長女洪武末下嫁儀賓袁容右都督洪

子三十五年進郡主爲公主儀賓爲駙馬加封廣平侯
洪熙元年上食本祿宣德元年復主以是年薨容以宣
德四年卒贈國公諡忠穆

永平郡主 成祖第二女下嫁儀賓李讓永樂元年進郡
主爲公主儀賓爲駙馬加封富陽侯讓以永樂二年卒
贈景國公諡恭敏子茂芳襲二十二年奪爵主以宣德
初封長公主正統初加封大長公主九年薨

安成公主 成祖第三女洪武三十五年下嫁駙馬宋瑛
西寧侯晟子也永樂五年襲侯二十二年奪爵及駙馬
號宣德中還故號正統元年主進封大長公主八年薨
清河公主於永樂四年下嫁駙馬李銘

貞定公主下嫁駙馬王誼濟寧指揮僉事佐子也正統十二年卒

餘二公主無考

宣宗二女

順德長公主 宣宗長女正統二年下嫁駙馬石璟主以八年薨璟以成化十五年卒

常德長公主宣宗第二女十二年下嫁駙馬薛桓主後進大長公主成化六年薨

英宗八女

惠慶公主 英宗長主天順五年下嫁駙馬周璟主後進大長公主以弘治元年薨璟以八年卒

嘉善公主 英宗第二女下嫁駙馬王增靖遠伯驥孫也
淳安公主 英宗第三女下嫁駙馬蔡震軍人誠子也主
後進大長公主弘治十二年薨震以嘉靖十四年卒贈
太保謚康僖

崇德長公主 英宗第四女下嫁駙馬楊偉錦衣指揮宏
子興濟伯善孫也主後進大長公主弘治二年薨

廣德長公主 英宗第五女下嫁駙馬樊凱二十年主薨
正德二年凱卒

隆慶長公主 英宗第六女成化九年下嫁駙馬游泰懷
遠侯傑子也十五年主薨弘治十三年泰卒

宜興長公主 英宗第七女成化九年下嫁駙馬馬誠正

德九年主薨十四年諡卒

嘉祥長公主 英宗第八女成化十三年下嫁駙馬黃鏞
十九年主薨正德五年鏞卒

景帝一女

固安郡主 景帝女成化二年下嫁儀賓王憲弘治四年
主卒葬禮視嘉祥公主

憲宗六女

仁和長公主 憲宗長女弘治二年下嫁駙馬齊世英鴻
臚卿佑子

永康長公主 憲宗第二女弘治六年下嫁駙馬崔元元

監生儒子主累進大長公主以嘉靖十一年薨元進封

京山侯加太傅以嘉靖二十八年卒諡榮恭

德清長公主 憲宗第三女弘治九年下嫁駙馬林岳兵

馬指揮芳子也正德十三年岳卒

第四女無考

第五女以成化二十三年薨追封長泰公主

第六女以弘治五年薨追封仙游公主禮葬依 蔚悼王

睿宗四女

嫡第一女庶第二女皆早薨嘉靖四年追封一女爲長寧

公主二女爲善化長公主

末福長公主 睿宗第三女嘉靖二年下嫁駙馬郎景和

四年主薨三十一年景和以辭直醢壇削爵爲民流徙

吳郡隆慶元年復爵三年薨諡簡

永安長公主 睿宗第四女嘉靖元年下嫁駙馬謝詔未
幾主薨四十一年詔卒贈少保

世宗二女

成平公主 世宗長女嘉靖三十四年下嫁駙馬李和隆
慶三年和卒

安泰公主 世宗第二女嘉靖三十六年下嫁駙馬許從
誠隆慶五年主薨萬曆二十七年從誠卒

穆宗七女

萬曆九年 長公主下嫁駙馬侯拱辰

萬曆十年 長公主下嫁梁駙馬 月餘卒

長女蓬萊公主

次女太和公主俱早卒 隆慶元年追贈

十五年 長公主下嫁駙馬萬煊

十六年 長公主下嫁駙馬王昌

長公主下嫁駙馬楊春元

續文獻通考卷之一百九十終

續文獻通考卷之一百九十一

皇明進士雲龍王圻纂輯

封建考 宋寧宗以後封 遼

宋

同姓封爵

希懌字伯和太祖子燕懿王德昭八世孫由進士累官昭
信軍節度使開府儀同三司寧宗嘉定五年封成國公
希言字若訥燕懿王後令廣元孫由進士累官軍器少監
嘉定十七年封越國公

與權字悅道燕懿王八世孫嘉定七年進士累官安德軍
節度使開府儀同三司萬壽觀使卒後追封奉化郡王

與芳燕懿王後希廬之子理宗弟理宗時封榮王度宗咸淳三年進封福王恭帝德祐元年授浙東安撫大使後俘於北

貴謙理宗近屬淳祐三年嗣封沂王

希館字晉錫舊名希喆慶元二年進士理宗時爲潭州觀察使以公族近邸恩特加厚慈明宮上壽陞節度封信安郡公卒後追封信安郡王

師昂太祖子秦康惠王德芳後伯圭子嘉定十七年嗣封秀王

師彌伯圭子理宗寶慶元年嗣封秀王

汝愚字子直太宗子元佐七世孫居餘干光宗末擁立寧

宗有安社稷功爲韓侂冑誣貶而死侂冑誅追封沂國公理宗時追福王又進封周王

安懿王於寧宗時襲封臣僚上言雖有擇高年行尊之文然高宗朝儀王仲湜以德望俱隆越仲琮而選拜武德郎竊次當襲封以官卑乃命士儂權奉祠事越十六年始正士儂之封是亦不拘定制也乞自今應封者命大宗司銓量都當審察閤門引見然後奏取進止寧宗然之

不熄安懿王玄孫理宗寶慶元年五月嗣封濮王

不壇安懿王玄孫端平元年正月嗣封濮王

善珊安懿王五世孫淳祐十年五月嗣封濮王

善騰安懿王五世孫寶祐三年十二月嗣封濮王

善湘字清臣安懿王五世孫父武翼郎不陋從高宗渡江
聞明州多名儒徙居焉登慶元二年進士嘉定十七年
拜大理少卿進右文殿脩撰知鎮江府封祥符縣男賜
食邑寶慶二年進封子加食邑紹定三年進封伯加食
邑又進煥章閣學士江淮制置使許便宜討李全四年
進封侯加食邑五年兩加食邑後進大學士提舉洞霄
宮封天水郡公

異姓封爵

留正字仲至永春人紹興中進士紹熙元年拜左丞相封
魯國公寧宗嘉泰元年進封魏國公

謝深甫字子肅台州臨海人寧宗慶元元年拜右丞相封岐國公護光宗山陵還改封魯國公後以女孫爲理宗后追封信王易封魯衛

史浩字直翁明州鄞縣人紹興中進士後位宰相封魏國公又封會稽郡王寧宗嘉定十四年追封越王

趙方字彥直衡山人淳熙八年進士理宗時知襄陽府與金戰有功封長沙縣男賜食邑

李舜臣字子思隆州井研人乾道中進士理宗時以子性傳官二府贈太師追封崇國公

崔與之字正子廣州人紹熙四年進士理宗嘉熙三年以觀文殿大學士提舉洞霄宮累封至南海郡公

楊簡字敬仲慈溪人乾道五年進士理宗寶慶元年以寶謨閣直學士轉朝議大夫慈溪縣男

孟珙字璞王隨州棗陽人理宗嘉熙元年封階縣男四年進封子與元戰有功進封漢東郡侯淳祐二年進漢東郡公卒後贈太師封吉國公

史彌遠字同叔浩之子淳熙十四年進士以擁立理宗官至太師左丞相兼樞密使由鄞縣男累封會稽郡王追封衛王

鄭清之字德源慶元鄞縣人嘉泰十年進士以擁立理宗官至太師左丞相兼樞密使由申國公累封齊國公追封魏郡王

史嵩之字子由彌遠之姪嘉定十三年進士官至右丞相兼樞密副使由鄞縣男累封永國公加食邑卒後贈少師追封魯國公

董槐字庭植濠州定遠人嘉定六年進士官右丞相兼樞密使由定遠縣男封濠梁郡公後進封吉國公又進許國公

葉夢鼎字鎮之台之寧海人太學優等出身官至少傅右丞相兼樞密使景定元年賜寧海縣食邑累進封臨海郡公度宗咸淳五年進封信國公不拜

葛洪字容父婺州東陽人淳熙十一年進士官累官叅知政事封東陽郡公

袁韶字彥淳慶元鄞人淳熙十三年進士紹定中拜叅知政事後以郊恩累贈太師越國公

吳淵字道父秘閣脩撰柔勝第三子嘉定七年進士累官少師叅知政事封金陵侯復進爵爲公

丁大全字子萬鎮江人嘉熙二年進士面藍心險累官右丞相兼樞密使始封丹陽郡侯進封公

喬行簡字壽朋婺州東陽人紹熙四年進士嘉熙三年拜平章軍國重事肅國公四年加少師保寧軍節度使贈泉觀使魯國公

范鍾字仲和婺州蘭溪人嘉定二年進士嘉熙五年特拜左丞相兼樞密使封東陽郡公

游似字景仁利路提點刑獄仲鴻之子嘉定十四年進士累官右丞相兼樞密使始封南充縣伯後進爵國公

趙葵字南仲京湖制置使方之子少從父以軍功進淳祐九年特授樞密使兼叅知政事督視江淮京西湖北軍馬封長沙郡公累封信國公景定元年進封魯國公咸淳元年進封冀國公

謝方叔字德方威州人嘉定十六年進士淳祐九年拜叅知政事封永康郡侯十一年拜左丞相兼樞密使進封惠國公

吳潛字毅夫宣州寧國人柔勝之季子嘉定十年進士第官至左丞相兼樞密使始封金陵郡侯後進慶國公許

國公貶卒于循州

程元鳳字申甫徽州人紹定中進士寶祐三年拜右丞相兼樞密使進封新安郡公度宗即位拜少傅進封吉國公

江萬里字子遠都昌人理宗時以太學舍選出身度宗時拜叅知政事進封南康郡公後家居死節贈太傅益國公尋加太師

文天祥字端又字履善吉水人理宗時舉進士第一德祐時興義兵爲恢復計不遂衛王繼立於嶺南加少保封信國公

薛極字會之常州武進人以父任出仕復中宏詞科紹定

元年知樞密院事兼叅知政事封毗陵郡公

余天錫字淳甫慶元昌國人嘉定十六年進士有授立理宗功嘉熙二年拜叅知政事兼同知樞密院事封奉化郡公其母朱氏嘗爲理宗沐浴教字封周楚國夫人

應鑑字之道慶元昌國人嘉定十六年進士淳祐九年拜叅知政事封臨海郡侯

徐清叟字直翁煥章閣學士應龍之子嘉定七年進士淳祐九年拜端明殿學士僉書樞密院事進司知樞密院事封晉寧郡公

王埜字之文寶章閣待制介之子以父蔭補官登嘉定十二年進士寶祐二年拜端明殿學士僉書樞密院事封

吳郡侯

張礪字渭老福州人嘉定四年進士寶祐五年拜叅知政事進封長樂郡公

馬天驥字德夫衢州人紹定二年進士寶祐四年拜端明殿學士同僉書樞密院事封信安郡侯

史龍蔡字起霖一字季遠潭州醴陵人淳祐四年進士景定四年以資政殿大學士提舉洞霄宮初封醴陵縣男後進封伯又封壽沙郡公

包恢字宏父建昌人嘉定十三年進士度宗即位時知紹興召爲刑部尚書進端明殿學士僉書樞密院事封南城郡侯

常擬字方叔福州人嘉熙二年進士咸淳三年授同知樞密院事兼權叅知政事封合沙郡公

陳宗禮字立之慶元定海人淳祐四年進士度宗時以權叅知政事卒贈開府儀同三司盱江郡侯

程秘字懷古徽州休寧人紹興四年進士寧宗時以端明殿學士卒初封休寧縣男進子後封新安郡侯

楊大異字同伯唐天平節度使漢公之後家於醴陵嘉定十三年進士仕終秘閣脩撰大中大夫提舉崇禧觀醴陵縣開國男食邑三百戶賜紫金魚袋歸里

魏了翁字華父蒲江人慶元五年進士嘉熙元年以資政殿大學士通奉大夫致仕卒詔贈太師謚文靖賜第宅

蘇州累贈秦國公

張世傑范陽人少從張柔有罪奔宋從呂文德後獨引兵勤王帝昺時拜少傅樞密副使封越國公死節于海中理宗淳祐元年追封先儒周惇頤汝南伯程顥河南伯程頤伊川伯張載邵伯實慶元年追封朱熹信國公改徽國公

外戚封爵

韓侂胄字節夫琦曾孫也父誠娶高宗憲聖吳皇后女弟仕至寶寧軍承宣使侂胄娶憲聖吳皇后姪女以父任入官立軍中有功寶慶四年封豫國公復封平原郡王驕恣橫暴後斬其首昇金人

楊次山字仲甫恭聖仁烈皇后兄紹興上虞人以誅韓侂
胄加開府儀同三司尋進少保封永陽郡王後改封會
稽郡王卒贈太師追封冀王

楊石次山子嘉定元年封信安郡侯十五年進封開國公
理宗立有功封永寧郡王後進封魏郡王

賈似道字師憲台州人制置使涉之子以父廢滿嘉興司
倉會其姊入宮有寵於理宗爲妃寶祐二年加同知樞
密院事臨海郡開國公欺君誤國安置循州爲鄭虎臣
所殺

藩鎮

寧宗時知潼川府魏了翁上言藝祖皇帝自大難永平首

創唐末五季之弊外召藩鎮以還京師臨遣廷紳以爲
牧守天下莫不仰伏威斷之明然而守邊之臣則久其
考任假以事權固不與內郡同也未幾而初意漸失極
于比歲承平日久吳曦盈尺之紙足以驚奔列雉李元
勵烏合之衆足以振擾三道張福千人之衆足以披靡
群辟虜闖梁洋三泉如履平地虜闕斬黃五關如升虛
邑嗟夫強幹弱枝之弊乃至此極是烏得無以變通之
乎臣嘗歷觀中興諸臣如李綱嘗欲分長安襄陽建康
爲三都胡舜陟嘗欲析三京關陝爲四巨鎮張守嘗欲
以大河州那倣唐藩鎮付之帥守范宗尹嘗欲分畫諸
鎮更不除代李綱遜嘗欲假帥守事權以銷姦宄雖多

事之時與今日平世事體稍異然郡國削弱之弊則百年間如一日也況今所恃以爲捍蔽者莫重於四鎮曰江南曰兩淮曰荆襄曰四川使三邊不警則尚可以紓歲月之安而金夏蒙韃局勢浸異殘寇未殄又生他寇四鎮之寄益非歲比自比下來朝廷垂意乎此責之專而任之久若知所以重其事矣然而其要又在於擇人苟非其人則責之專反以益其過任之久反以厚其毒旣得人矣則當假以遂事之權聽其所爲勿從中制本道官吏惟其所辟置要害之地守令可以委任責成則久其考任而就加爵秩焉省部皆毋拘以文法也財賦得以專其出入他司不得尚循舊比以掣其肘也軍籍

得以覈其虛實戎司不得掩虛額以自豐也屯田當復
民兵當核忠義當相皆可以隨宜經理也規模旣立則
如國初守邊之臣或十七八年或十四五年或八九年
無所改易可也稽其勞效而即鎮遷拜自從臣以上雖
貴極公師可也其旁近諸鎮又當豫蓄資望之人以擬
其乏如是則受任之臣事權專一得以展布四體責其
成功而人亦改視易聽不爲朝不謀夕之計可以慮終
而知敝三邊隱然爲國長城緩急有恃矣此藝祖皇帝
久任邊臣之成規而中興諸臣因時損益之遺意倘蒙
陛下不以臣言爲非即乞與大臣審議而速圖之德祐
初文天祥上言宋懲五季之亂削藩鎮建郡邑一時雖

足以矯尾大之弊然國亦以寢弱中原陸沉痛悔何及
今宜分天下爲四鎮以廣西益湖廣而建閫于長沙以
廣東益江西而建閫于隆興以福建益江東而建閫于
番陽以淮西益淮東而建閫于揚州議竟不行

按唐之衰以藩鎮擅權而宋之衰又病於藩鎮不立此
時勢互異抑初法有善有不善耶故存二公之議以爲
謀國者鑑

外國封爵附

李瓊全之子爲蒙古江淮大都督景定三年以京東來歸
詔封爲齊郡王復其父官爵

陳日照安南國王也景定三年叛蒙古傳位於子光壽遣

使貢象詔封光景爲安南王加封日照爲安南大王初
日照傳位於子求封太上國王下省臣議秘書省正字
歐陽守道謂太上者漢高帝以尊其父累朝未之有改
若賜詔書稱太上國王非便南越尉佗嘗自稱蠻夷大
長老正南夷事也禮方伯自稱曰天子之老大夫致仕
曰老自稱亦曰老自蠻夷言之則有尉佗之故事自中
國言之亦方伯致仕者之常稱漢亦有老上單于之號
易太以老無損或去上字存其太字太王則有古公三
太三少太宰少宰太所以別於少也謂父爲太則子爲
少矣太以尊言則太后太妃以卑言則太史太卜太祝
樂太師太圉上下所通用也時竟以大王與之

遼

同姓封爵

道宗太康五年十一月詔淮王子封一字王餘並削降
蜀國王嚴木玄祖子身長多能語言如鐘三爲迭刺部夷
離董年四十五薨重熙中追封蜀國王

隋國王釋魯玄祖子駢脅多力賢而有智爲遙輦氏於越
始教民種植桑麻年五十七爲子滑哥所弑重熙中追
封隋國王

賢適玄祖後不知世次封西平郡王

頽昂嚴木後不知世次封漆水郡王世宗時爲惕隱
化哥嚴木後開泰時爲北院樞密使封幽王

瑰引巖木後封燕王

仁先瑰引子始封吳主清寧初徙王隋後進宋王咸雍時
改遼王

義先仁先弟嚴重疾惡封武昌郡王進王富春薨追贈許
王

休哥釋魯孫聖宗時代宋有功封宋王

陳留釋魯曾孫道宗清寧初爲南京留守封宿國王
仙童釋魯後清寧時封將國公咸雍初徙封許國

右玄祖之世

許國王寅底石德祖子生而闇懦與兄刺葛作亂屢爲太
祖所宥命輔東丹王淳欽皇后遣人殺於路重熙間追

封許王

明王安瑞德祖子亦與刺葛謀亂太祖屢宥之天祿初以
功王東丹國賜號明王

幹特刺寅底石後封漆水郡王乾統初封混同郡王
察割安瑞子天祿元年封大寧王後弑世宗被誅
撻不也德祖後不知世次封漆水郡王

頗的德祖後奴瓜之孫太康中拜南府宰相封吳國公
右德祖之世

東丹國人皇王倍太祖冊爲太子居東丹太祖崩讓國適
唐

道隆倍子景宗保寧元年封平王

續文獻通考

卷之二百九十一

道隱倍子景宗初封蜀王乾亨中徙荆王卒後追封晉王
喜隱倍弟李胡子始封趙王景宗改宋王後謀反廢
寃李胡子景宗即位封衛王

室魯倍弟牙里果子統和末爲北院大王封韓王

右太祖之世

太平王罽撒葛太宗子會同元年封太平王穆宗時謀亂
覺貶西北邊戍景宗即位懼竄大漠召還釋其罪封齊
王保寧四年卒贈皇太叔

冀王敵烈太宗子多力善射保寧初却宋師有功封冀王
後與耶律海恩等謀反事覺穆宗釋之乾亨時與宋師
戰沒于白馬嶺

越王必攝太宗子穆宗時嘗啓族人恒及弟以里亡
事又諫止殺監鹿官景宗即位封越王

右太宗之世

寧王質諱世宗子敏給好學通契丹漢字工詩景宗
封爲寧王保寧八年奪爵統和元年皇太后稱制詔復
舊爵

右世宗之世

秦晉王隆慶景宗子八歲封恒王統和中爲南京留守屢
敗宋師十六年徙王梁國開泰初更王晉國進王秦晉
入覲還道卒追尊皇太弟

齊王隆祐景宗子乾亨初封鄭王聖宗伐宋伐高麗皆留

守京師後徙王吳更王楚改王齊薨

查葛隆慶子始封中山郡王爲保靖軍節度使後封潯王
進封越國王清寧初封趙國王爲上京留守又改魏國
王

遂哥隆慶子始封樂安郡王爲廣德軍節度使後封幽王
謝家奴隆慶子開泰六年四月封長沙郡王後改陳王又
改魯王

驢董隆慶子封遼西郡王

蘇撒隆慶子封漆水郡王

胡古魯隆祐子開天三年封廣平郡王後改周王

合祿隆祐子封魏王

貼不隆祐子開泰中封豫章王爲太師寧節度使重熙中
封漢王爲東京留守又改吳王爲西京留守

宗範亦聖宗子不詳所出封三韓郡王

方景宗之世

秦王重元聖宗子太平三年封秦國王嘗白其母后謀立
已事爲興宗所重立爲皇太弟道宗立爲皇太叔免拜
不名兩朝皆賜金券後以子涅嘗言誘之謀反軍潰自
殺

柳城郡王別古特聖宗子明敏善射計夏國督戰有功重
熙中封懷德郡王

燕王吳哥聖宗子開泰二年爲惕隱出爲南京留守受封

不知何時

混同郡王侯古聖宗子重熙七年封饒樂郡王咸雍中徙
混同郡王後爲上京留守薨

涅魯古重元子重熙十一年封安定郡王又封楚王清寧
初徙封吳王又進封楚國王後以謀反誅

右聖宗之世

宋魏王和魯訖典宗子重元之亂和魯訖夜越職重熙十
七年封越王清寧初拜上京留守徙王晉進王宋魏乾
統三年冊爲皇太叔

秦晉國王阿璉興宗子重熙十七年封許王清寧初徙秦
王及陳王又進封秦越國咸雍間歷西京上京留守卒

追封秦魏國王

石篤和魯幹子封漆水郡王

淳和魯幹子乾統初封鄭王進封越國王又封秦晉王後
天祚播遷稱帝

魯王敖魯幹天祚子初封晉王出繼大丞相耶律隆運後
喜揚人善勸其不能中外稱其長者保大二年以得人
心欲立爲帝賜死或勸之逃敖魯幹曰安刀爲七尺之
軀而廢臣子之大節遂自縊死

梁王雅里天祚子七歲欲立爲太子別置禁衛封梁王天
祚奔夏衆推稱帝改元神曆

趙王習泥烈天祚子初封饒樂郡王改封趙從天祚至自

馬樂爲金師所獲

秦王定天祚子從天祚至青塚樂爲金師所獲

許王寧天祚子從天祚至青塚樂爲金師所獲

異姓功臣封爵

韓延徽幽州安次人爲劉守光聘于遼述律后知其賢太祖立命參軍事攻党項室韋服諸部落延徽謀居多乃請樹城郭分市里以居漢人之降者又爲定配偶教墾藝以生養之以故逃亡者少久之懷鄉歸唐復歸遼太宗朝封魯國公世宗時卒世爲崇文令公

韓德樞延壽子未冠守左羽林大將軍遷特進太尉時漢人降與轉徙者多需東平丁歲災飢饉疾癘德樞請任

撫字之授遼興軍節度使整紛剔蠹固滿信孚累官至
門下平章事開府儀同三司行侍中封趙國公

高模翰渤海人避地高麗而歸坐殺人罪太祖知其才貲
之太宗時援石敬瑭有功後援楊軍圍大捷車駕入汴
加特進檢校太師封愬郡開國公

趙思溫盧龍人始從太祖攻渤海太守時自嵐憲間出兵
援太原賜號協謀靖亂翊聖功臣累官檢校太師會同
二年星隕于庭卒遣使贈祭贈太師衛國公

室昉南京人會同初登進士第統和中與韓德讓耶律斜
軫同心輔政務在息民薄賦以故法度脩明朝無異議
晚年詔入朝免拜賜几杖常居南京封鄭國公

張儉宛平人統和十四年舉進士第一太平六年拜左丞相封韓王帝不豫受遺詔輔立太子是爲興宗賜貞亮弘靖保義守節有德功臣拜太師中書令加尚父徙王陳

王繼忠本宋臣降于遼聖宗委任之繼忠亦自激昂事必盡力遼宋講和多其功加左武衛上將軍攝中京留守後爲漢人行營都部署封琅邪郡王又賜國姓進楚王耶律隆運本姓韓名德讓匡嗣之子統和中賜姓名皇太后稱制總宿衛事加開府儀同三司兼政事令從太后出師禦宋師有功加司空封楚國公後拜大丞相進王齊又從太后南征許宋成而還徙王晉

耶律滌魯德讓弟德威之孫幼養宮中授小將軍重熙初累官西北路招討使封漆水郡王後封溫國公三清寧

初從王師擢拜南北宰相以年老乞骸骨更王是耶律制心德讓之姪開泰中拜上京留守進漢人行宮都部署封漆水郡王太平中歷中京南京留守徙王燕卒贈政事令追封陳王

耶律海里令穩援里得之長子爲南院大王却宋敵有功賜資忠保義匡國功臣聖宗屢親征海里在南院十餘年鎮以寬靜戶口增給封漆水郡王

耶律合里只六院夷離董蒲古只之後重熙中累遷西南面招討都監清寧七年入爲北院大王封幽國公

耶律弘古遜董氏之後統和初嘗以軍事任爲拽刺詳穩尋徙南京統軍使斬敵首百餘級遷東京留守封楚國公

楊哲安次人太平十一年擢進士乙科清寧初知南院樞密使封趙國公咸寧初再徙齊魯又封趙王太康中例改遼西郡王

蕭阿魯帶烏隈部人大安九年以功封蘭陵縣公壽隆元年遷爵郡公

耶律世良公院部人統和末爲北院大王時邊部拒命世良追之至安真河大破而還自是邊境以寧以功封岐王

既得直者張郎君之後讀其書又入南山
寧中知制誥兼知樞密司直頃之爲敦睦宮使權知皇
太后宮事以預告涅魯古亂累官惕隱中京留守
卒追封遼西郡王

蕭虛烈重熙中官侍中十五年陞爲南面統軍使封遼西
郡王

蕭韓家奴奚長渤海恩之後累官奚六部大王治有聲清
寧初封韓國公又封蘭陵郡王後以平重元亂功封荆
王賜資忠保義奉國竭貞平亂功臣太康初徙王吳四
年例削一字王爵改王蘭陵

蕭德緒特部人太平中領丹印直宿累遷北院樞密副使

清寧元年遷同知北院樞密使封魯國公重元之亂推鋒力戰斬涅魯古首以獻論功辭王

姚景行周將漢英之孫聞重元亂集衆勤王累官朔方軍節度使太康初徙鎮遼興加守太師卒遣使吊祭追封柳城郡王

耶律阿思不知所出清寧初補祗候郎君以善射掌獵事重元之亂射殺涅魯古賜號靖亂功臣封漆水郡王後以風疾致仕加尚父封趙王卒年八十追封齊國王

賈昇肅中京人清寧中第進士太安初累官南京樞密副使監脩國史知樞密院事賜同德功臣封陳國公

馬績良鄉人太平十一年進士及第累遷南院樞密使封

趙王太原中以例改封遼西致仕

蕭元納六院部人以兄圖薦補祗候郎君太康初爲北院宣徽使時乙辛亥太子謀立和魯幹之子元納諫止乙辛亥謀害皇孫又賴元納以免帝嘉其忠封蘭陵郡王

耶律仲禧析津人本姓李重熙中始仕累官漢人行宮都部署清寧六年賜國姓封韓國公

耶律儼仲禧之子登咸雍進士第壽隆六年遷知樞密院事賜經邦佐運功臣封越國公乾統三年徙封秦國六年封漆水郡王

耶律撒剌南院大王磨魯古之孫性忠直沉厚爲乙辛誣廢立殺之乾統間追封漆水郡王

蕭道微突呂不部人重熙間累遷右護衛太保後與乙辛
皆誣殺之乾統間追封蘭陵郡王

李靈折津人太康初累官叅知政事封漆水郡王

耶律乙辛五院部人清寧五年知北院樞密使封趙王平
重元亂進封魏誣害皇后太子又欲害皇孫姦謀頗露
例削一字王爵改王混同後謀奔宋及私藏甲兵事覺
縊殺之乾統二年發塚戮其屍

張孝傑建州永霸縣人重熙二十四年進士第一咸雍三
年叅知政事同知樞密院事加工部侍郎八年封陳國
公乙辛誣害太子及害諸忠良孝傑謀居多乾統初剖
棺戮屍

外戚封爵

遼之外戚多以功封非盡由恩澤也

蕭思溫忽沒魯之子太宗時尚燕國公主景宗保寧初冊思溫女爲后加尚書令封魏王 后之祖胡毋里追封

韓王

蕭朴國舅少父房之後有吏才能知人主意數奏稱旨朝議多取決太平中封蘭陵郡王進王恒重熙中改王陳拜東京留守及遷太后於慶州徙王楚升南院樞密使四年王魏薨贈齊王

蕭孝忠開泰時尚越國公主重熙七年爲東京留守十二年入朝封越王薨後追封楚國王

蕭撻凜思溫再從姪統和十二年以功封蘭陵郡王

蕭孝穆淳欽皇后弟阿古只五世孫太平二年以功封燕
王興宗即位徙王秦重熙六年進封吳國王拜北院樞
密使九年徙王楚十一年更王齊薨追贈大丞相晉國
王

蕭撤八孝穆子重熙中尚魏國公主總知朝廷禮儀末年
出爲西北路招討使封武寧郡王卒後追封齊王

蕭孝先孝穆弟統和十八年尚南陽公主重熙中欽哀弒
仁德皇后孝先謀居多封楚王後與太后謀廢興宗事
覺太后遷慶州孝先恒鬱鬱不樂徙王晉卒

蕭孝友穆弟重熙元年累遷西北路招討使封蘭陵郡王
八年進王陳十年賜效節宣庸定遠功臣更王吳後加

翊聖協穆保義功臣進王趙復爲東京留守徙王燕欣
上京留守更王秦濟寧初益賜純德功臣致仕進封豐
國王坐子胡龍與重元亂伏誅

蕭阿剌善穆子幼養宮中重熙二十一年拜西北路招討
使封西平郡王尋尚晉國長公主清寧元年進王韓明
年從王陳爲蕭革中傷帝怒縊殺之

蕭本哲孝穆弟高九之子以戚屬加監門衛上將軍清寧
九年爲西北路招討使安邊有功十年入朝封柳城郡
王卒追王晉宋梁三國

蕭東洋欽皇后弟阿古只五世孫初從征高麗有功開泰
二年爲西北路招討使封魏國公興宗時封鄭王歷徙

趙齊韓王尚帝姊秦晉國長公主重熙十九年請老封魏國王

蕭捷不也國舅高九之孫太康元年尚趙國公主爲乙辛誣廢立事見殺乾統間追封蘭陵郡王

蕭得里底孝先之孫天慶三年封蘭陵郡王天祚殺晉王不能俸理後爲天祚所逐卒

蕭別里刺孝穆之後道宗皇后之父封趙王

蕭幹別里刺之子年十四尚越國公主十八封蘭陵郡王

蕭奉先天祚元妃之兄累官樞密使封蘭陵郡王天祚欲誅阿骨打奉先阻之又勸天祚誅晉王人心解體後與

其子並皆賜死

蕭余里也國舅阿剌次子清寧初尚鄭國公主太康時封遼西郡王乙辛謀構皇太子余里也多助成

蕭革國舅房林牙和尚之子重熙初同知北院樞密事怙寵專權又拜南院樞密使班諸王上封吳王已改知北院進王鄭清寧元年復爲南院樞密使更王楚八年致仕封鄭國王九年秋以其子爲重元壻革預知其謀凌遲殺之

外國封爵附

太宗天顯十一年十二月冊石敬瑭爲大晉皇帝會同元年七月冊晉帝爲英武明義皇帝大同五年五月

遣燕王牒螭樞密使高勳封劉崇爲大漢神武皇帝

穆宗應曆五年十一月冊封劉鈞爲漢王

聖宗統和八年十二月遣使封李繼遷爲夏國王 十三年十一月遣使冊高麗主治爲高麗國王 十五年三月封夏國王李繼遷爲西平王 十六年十一月遣使冊封高麗王誦 太平二年十二月遣使冊封高麗王

欽

興宗重熙元年十一月冊封夏國公元昊爲夏國王

道宗咸雍四年十月冊封李秉常爲夏王 太安元年十

一月遣使冊封三韓國王勳子運爲高麗國王 四年

七月遣使冊封李乾順爲夏國王

天祚帝保大三年夏六月遣使冊封夏國王李乾順爲夏
國皇帝

續文獻通考卷之一百九十一終